

DISSERTATIO JURIDICA
DE
COELIBATU
POENÆ NOMINE
IMPOSITO,



QUAM

Favente Divina Gratia

RECTORE MAGNIFICENTISSIMO,
SERENISSIMO PRINCIPE AC DOMINO,

**DN. FRIDERICO WIL-
HELMO,**

REGNI BORUSSÆ, ELECTORATUS BRANDEN-
BURGICI ET PROVINCiarUM HEREDE,
&c. &c.

IN ILLUSTRi ACADEMIA FRIDERICIANA,
PRÆSIDE

JAC. FRIDERICO LUDOVICI,
J. U. D. & Profess. Publ. Extr.

Placido Eruditorum Examini submittit

SIMON PETRUS *Basser/*

Colbergâ Pomeranus.

Ad diem XXIIIX. Novembr. MDCC III. H. L. 2. C.

HALÆ MAGDEBURGICÆ,

Typis CHRISTOPH. ANDRÆ ZEITLERI, Acad. Typogr. 1703.

THE
JOURNAL OF THE
ROYAL ANTHROPOLOGICAL INSTITUTE

OF GREAT BRITAIN AND IRELAND

Volume 100, Part 1, 1970

Edited by J. H. REES

Published by the Royal Anthropological Institute of Great Britain and Ireland

London: Royal Anthropological Institute, 21, BEDFORD SQUARE, W.C.1A 3EF



B. C. D.

DISSERTATIO JURIDICA
De
COELIBATU POENÆ NOMINE
IMPOSITO.

CONTENTA TOTIUS DISSERTATIONIS.

Differentia contractus matrimonialis à contractibus reliquis in eo præcipuè consistit, quod regulariter indissolubilis sit ille §. I. Idem juxta mores nostros de solis sponsalibus affirmandum, non autem juxta jus divinum, quod ostenditur & ad dubia respondetur §. II. Sunt nihilominus tamen certi casus, quibus & matrimonium juxta divinum & sponsalia juxta humanum jus iterum dissolvi possunt, §. III. Parti nocenti eò casu certa pœna diciari solent, inter quas pœna cœlibatus etiam deprehenditur §. IV. Origo hujus pœnæ ex jure canonico & textus eò pertinentes §. V. & VI. Objectiones: pœnam hanc in praxi adhuc receptam esse & sic de ejus justitia frustra disputari; quæ refellitur, §. VII. Formatur status controversiæ, & hunc in adducto quodam casu non ritè observasse Cypræum, ostenditur §. VIII. Pœna cœlibatus iniquitate laborat §. IX. Ratio hujus assertionis ex principiis moralibus & materia de imputatione morali desumpta, §. X. XI. & XII. Illustratur illa ex jure Romano §. XIII. Respondetur ad ea, quæ ex hoc ipso jure Romano in contrarium moveri poterant §. XIV. Promissio uxoris defuncto marito facta, quod ad secundas nuptias transire nolit,

nolit, irrita est & invalida §. XV. Pœna coelibatus ex eodem fundamento impugnari potest §. XVI. Quod præcipue exinde demonstratur, quia necessariam usplurimum peccandi occasionem condemnato suppeditat §. XVII. Illustratur ibidem adhuc ulterius ex iis, quæ à Theologis aliàs contra vota monastica & in specie contra Votum castitatis adferri solent §. XVIII. Transitus ad refutationem eorum, quæ pro defendenda juræ Canonici dispositione communiter adferri solent. Verba Mœvii & Lutheri §. XX. Responsio §. XXI. Rationes Carpzovii cum responsionibus succinctis §. XXII. XXIII. XXIV. XXV. & XXVI. Rationes Canonistarum ex 1. Corinth. 7. v. 7. nec non Martb. 19. v. 9. §. XXVII. & XXVIII. De questione: utrum dispositio juris Canonici in praxi obtineat? §. XXIX. Formula pronunciandi ex Cypro §. XXX. In judiciis Ecclesiasticis Protestantium pœna coelibatus cum certa limitatione saltem imponitur §. XXXI. Quam tamen limitationem totam regulam evertere ostenditur §. XXXII. Conceduntur in praxi etiam nocenti nova nuptiæ, ita tamen ut illa regulariter ex provincia excedat §. XXXIII. & XXXIV. Remittitur relegatio, modò pars nocens certam multam persolvat §. XXXV. Præsertim si nonnullæ circumstantiæ condempnationem quodammodo excusantes concurrant §. XXXVI. Conclusio totius dissertationis §. XXXVII.

§. I.



Contractum matrimonii à reliquis contractibus; qui pro objecto rem in commercio existentem habent, in plurimis recedere, nemo, ut persuasumus, inficias ire poterit. Unum nobis pro ratione infirmis terigisse sufficiat, quod quamvis aliàs à conventionibus ritè initis utriusque partis dissensu iterum recedere liceat, §. fin. 3. quib. mod. toll. oblig. Deus tamen ter O. M. eos, qui præcedente legitimo consensu

sensu in unitatem carnis semel transferunt, ab illa iterum recedere in S. Scriptura expresse prohibuerit, *Matth. 10. v. 6. & 9.* Unde Imperator in *S. 1. 3. de par. potest.* nuptias recte describit, quod sint viri & mulieris conjunctio, *indivisa in vitæ consuetudinem continens.*

Quin Sponsalibus de presenti idem prædicatum in-
dissolubilitatis (mutuo licet dissensu accedente) tribui pos-
sit, *idem extra dubium est*, si ad Leges humanas mo-
resque nostras respicias. Ast verò de jure divino contra-
ctum verius esse videtur. Quamvis enim DD. communiter
& inter eos in specie Carpzovius in *Jurapr. Eccles. l. b. 2. Def. 12. n. 8. Def. 172. & passim alibi* prohibitionem mutui
dissensus etiam hac parte ex dicto Salvatoris: *Quos Deus
conjunctus, homo ne separet*, deducere nitatur; contextus
tamen *Matth. 19.* & verba in *vers. 5. & 6.* immediatè ante-
cedentia: *& erunt duo in carne una.* Itaq. jam non sunt
duo, sed una caro; quod ergo Deus conjunctus &c. apertè
ostendunt, Salvatorem non de matrimonio inchoato, id
est, de sponsalibus, sed de plene consummato per copu-
lam carnalem locutum esse. Ex quo in contrarium firmi-
ter inferimus, quod sponsalia & matrimonia, quatenus
Leges divine in specie de iis nihil peculiare disponunt, ex
natura reliquarum conventionum, in quibus mutuus dis-
sensu permittitur, dijudicari debeant, & quod exceptio
quoad matrimonium consummatum dictam regulam de
mutuo dissensu firmet in casibus non exceptis, id est, pro
ratione præsentis controversiæ in sponsalibus, purè etiam
& de presenti celebratis. Non obstat, quod tamen in
sponsalibus (utinam semper verè fieret!) nomen divi-
num invocetur; nam & talis invocatio in contractibus fit.
Licet verò deinde à contractibus recedatur, non tamen

propterea nomen divinum ludibrio habetur, modò ab initio seria contrahendi intentio adfuerit, hæc enim habet, tunc demum in vanum sumitur nomen divinum.

§. III.

Interim, quamvis juxta adducta nec ab ipso matrimonio propter divinas, nec à sponsalibus propter humanas Leges privatà autoritate & utriusque contrahentium consensu resilire liceat; dantur tamen nihilominus casus, quibus hoc ipsum autoritate Magistratus accedente & invitâ etiam altera parte permittitur. De numero illorum casuum & annon præter eos, qui hodie recepti, alii adhuc à Principibus Evangelicis admitti possint, in præsentì non disputabimus, (videri potest de hac re Joh. Strauchius *instit. jur. publ. lib. 1. tit. 35. §. 3.*) sed supponimus, quod divortium propriè sic dictum in Consistoriis nostris obduas solummodo causas, adulterium scilicet & malitiosam desertionem: repudium autem toties demum permittatur, quoties animi desponsatorum, vel utriusque, vel alterutrius saltem, ita ab invicem sunt alienati, ut nullis suasionibus aliisque prudentibus remediis conciliari iterum possint, v. Mevius *P. 6. Dec. 225. 226.*

§. IV.

Ex hisce suppositis porrò facilè consequitur, omnem illum, qui facto suo illicito divortio aut repudio causam præbet, pœna condigna adficiendum esse. De pœnis criminalibus corporis afflictivis & pecuniariis, nunc quidem non erimus solliciti, cum limites instituti nostri illæ transgrediantur, ex qua eadem ratione quoque de remediis, quæ privatam partis læsæ satisfactionem respiciunt, non disquiremus; illud unicum ergò nobis in præsentì objectum differendi erit, ut nempe de hypothese Scriptorum juris ecclesiastici dispiciamus, quando statuunt, *parti nocenti;*

centi, qua vel sponsam, vel uxorem deserit, vel adulterium committit, supplicii loco & per modum gravioris pœna injungendum esse, ut vitam cœlibem agat & aliam sibi conditionem iterum non quarat, vid. Carpzov. d. l. 2. def. 136. num. 5. & Def. 191. n. 1. seqq. it. lib 3. Defn. 71. n. 9. 10. 11.

§. V.

Origo hujus pœnæ cœlibatus, ut multa alia in jure nostro Ecclesiastico, ex juris Canonici placitis derivanda est. Textus huc præ aliis faciens est in *cap. 12. X. de Presumpt.* ubi Papa Alexander III. *Literis, inquit, fraternitatis tue receptis nobis innotuit, quod cum P. ab A. muliere, quam in uxorem acceperat, peteret separari, accusatores matrimonii produxerunt testes firmiter asserentes, quod postquam mulier cum predicto viro contraxerat matrimonium, consanguineum Viri ejusdem solum cum sola, nudum cum nuda in eodem lecto. jacentem, eâ (ut credebant) intentione, ut eam cognosceret carnaliter, viderunt, multis locis secretis & latebris ad hoc commodis & horis electis: Consul. tua taliter respondemus, quod ex hujusmodi violenta & certa suspitione fornicationis potest sententia divortii promulgari: ita quidem, ut vir licentiam habeat, mortua illa ducendi aliam, muliere sine spe conjugii remanente.*

§. VI.

Huic textui ex decretalibus duo alii ex Decreto desumpti adhuc superaddi possunt. Primus est in *c. 23. caus. 37. qu. 7. Concubuisi cum sorore Uxoris tue? si fecisti, neutram habeas: & si illa, qua Uxor tua fuerit, conscia sceleris non fuit, si se continere non vult, nubat in Domino, cui velit. Tu autem & adultera sine spe conjugii permanetis & quamdiu vixeritis, juxta præceptum Sacerdotis pœnitentiam agite.* Alter habetur in *c. sequ. 24. d. caus. 37. qu. 7. Si quis cum noverca sua dormierit, neuter ad conjugium potest perv-*

pervenire, sed vir ejus potest, si vult, aliam accipere, si se continere non potest. Similiter si quis cum filiastra sua, vel cum sorore uxoris sua dormierit, observandum est.

§. VII.

Habes textus ex jure Canonico, quos in presenti nobis examinandos sumimus. Ubi quidem ab initio obijci posset; dispositionem in illis textibus contentam juxta testimonium plerorumque scriptorum apud Evangelicos etiam in foro adhucdum observari, unde opera hujc nostro examini impensa frustranea nonnullis videri poterat; interim tamen cum nos pro ratione hujus nostri instituti Judicis officio non fungamur, quippe ad quem solum pertinet vulgatum illud: non esse de Legibus, sed secundum eas judicandum, & contrario autem in cathedra de qualitate Legum quoque disputare non sit prohibitum; hinc vitio nobis nemo vertere poterit, quod cogitationes occasione adlatorum textuum nobis subnatas cum benevolo Lectore pro libertate Academica communicare non dubitaverimus. Quid? quod & infra simus demonstraturi, dispositionem juris Canonici reverà nullum usum in praxi habere, si res penitus inspicatur.

§. VIII.

Cum verò non solum adducti juris Canonici textus, sed & DD. in universum omnes semper ad casum repudii atque divortii respiciant & præterea inter partem nocentem & innocentem distinguant, priori saltem poenam coelibatus injungentes, hinc nescio, quid in mentem venerit Paulo Cypræo, ut in *tr. de connub. jur. cap. 10. §. 22.* hunc casum tanquam dubium proponeret: *Utrum virgo compressa & à viro, qui juramento se purgavit, quod fidem non dederit, relicta, innupta sedere, an verò aliam conditionem sibi querere debeat?* Aut enim masculus ille, de quo queritur, reverà

NOMINE IMPOSITO.

9

revera fidem non dedit foemina, quod eam in matrimonium ducere velit, & sic non adest casus repudii; aut verò spem matrimonii fecit & sic pejeravit, de quo casu solum loquitur Cypræus, & tunc rectè dicit, quod perjurus ille non aliter ac adulter, defertor, vel etiam mortuus censendus sit, cui mulier quoque amplius obstricta non est. ideoque, ut verba Cypræi mea faciam, sese ab eo rectè segregare potest eumque Dei judicio & vindictæ committere cum hac exprobratione:

Si tu oblitus es, at Deus meminerit, meminerit fides,

Quæ te ut pœniteat postmodo facti faciet tui.

Sed nihil dubii hic subest, cum foemina hac ratione pro parte innocente haberi debeat.

§. IX.

Maneamus ergò in terminis sub initium §. *preced.* indigitatis, supponentes, cœlibatum pœnæ nomine illis saltem imponi, qui factis suis illicitis repudio vel divortio causam præbent. Quæritur autem: an juxta genuina juris principia hoc fieri queat? Equidem Celeberrimus JCtus, David Meyius P. 6. Dec. 359. n. 7. jam confessus est, valde duram esse hanc pœnam & talem, quæ grave jugum infert, unde porro subjungit: *cantum debere esse Judicem, ut non temerè, nec promiscuè pœnam addat interdicti, quia non tam facile illa aut servatur, aut remittitur, quam irrogatur;* verum nobis adhuc ulterius procedendum & hoc asserendum esse videtur, quod nempe dispositio juris Canonici talem pœnam dictitans, aperta iniquitate laboret.

§. X.

Hanc nostram assertionem ut demonstramus, ad materiam de imputatione morali recurrendum est. Quotiescunque enim Legislator aliquid alicui per modum pœnæ interdicat, toties actus interdictus ita comparatus sit

B

necessum

necessum est, ut delinquens facultate libera polleat, actum illum prohibitum vel expediendi, vel etiam omittendi. Quod si verò delinquens circa talem actum dicta libertate non gaudeat, tunc sua sponte etiam consequitur, Legislatorem rectè non facere, si illum per modum poenæ & coercionis interdicit. Duæ scilicet præcipuè Legum dicuntur esse virtutes, præcipere & vetare, (permisio juris huc non pertinet;) quæ quamvis quoad affirmationem & negationem sibi è diametro opponantur, in eo tamen, ni fallor, conveniunt, quod quemadmodum præcipi nequeunt, quæ extra nostram potestatem posita: ita quoque prohiberi nullò modò possint, quorum intuitu quò fiant, aut non fiant, facultas disponendi arbitrio nostro relicta non est.

§. XI.

Propius ad rem veniamus. Est principium sanæ rationis ipsi etiam divinæ revelationi non repugnans, *imputari non posse homini actiones & effectus facultatum vegetabilium, quæ in ipsius corpore deprehenduntur, prout istæ per naturam, aut ex causis ab ipso non dependentibus existunt, de quo fusiùs agit Pufendorff. de J. N. & G. l. 1. cap. 5. §. 7.* Hæc enim si imputarentur, impossibile quid in classem imputationis referretur, quod tamen absurdum foret. Sic cui natura corpus vegetum, robustum, procerum dedit, ipsi eò nomine nihil imputari, aut quò minus tale habeat, injungi potest. Unde si in aliqua lege, ut & conventionem aut testamento, tale quid occurrat, id pro non adjecto haberi debet, aut commodior, (si modo fieri potest,) ejus inveniendæ interpretatio, vid. Pufendorff. *cit. loc.* §. 8.

§. XII.

Facultas autem & inclinatio ad generandum, nisi me omnia fallunt, ad actiones & effectus facultatum vegetabilium referenda erit. Unde, quamvis Legislator hanc facultatem

facultatem generandi ita circumscribere possit, ne vago modo & ad exemplum bestiarum in actum deducatur, quod ipse Deus, Legislator sanctissimus, in verbo suo fecit; homo tamen leges condens tam absoluta potestate non pollet, ut dictam facultatem in totum & ex omni parte tollere plane & interdicere possit. A restrictione enim, quæ hic juris ipsius divini est, ad omnimodam prohibitionem, quam canones ab hominibus profecti intendunt, non valet consequentia;

§. XIII.

Leges Romanæ, quas in Germania recepimus, nostram confirmant sententiam & ea, quæ paulò ante ex Pufendorffio adduximus. Ita enim Julianus in l. 22. ff. de cond. & demonstr. *Quoties*, inquit, *sub conditione mulieri legatur, si non nupserit, & ejusdem fideicommissum sit, ut Titio restituat, si nubat: commodè statuitur, & si nupserit, legatum eam petere posse, & non esse cogendam, fideicommissum prestare.* Ita Terentius Clemens in l. 62. §. 2. d. t. respondet: *Cum vir uxori, si à liberis ne nupserit, in annos singulos aliquid legavit, quid juris sit? Julianus respondit, posse mulierem nubere & legatum capere.* Adde l. 63. §. 1. & l. 72. §. 5. d. t. Struv. S. I. C. Ex. 35. th. 97.

§. XIV.

Non obstat, quod tamen Imp. Justinianus in Nov. 22. c. 43. & 44. disposuerit, quod vidua contra Legem viduitatis ipsi à Marito in testamento datam ad secunda vota transiens, emolumentum sub hac lege ipsi relictum amittat; distinguendum enim est, an quis viduitatem simpliciter injungat, an verò lucrum aliquod ob viduitatem non servatam auferat. Posterius tolerari potest, quia ad impossibile non adstringit, secus in priori. Eadem ratione dispositio l. 62. §. 2. in f. ff. de cond. & demonstr. excusari

pōtēst, ubi ita: *Quod si ita scriptum esset*, si à liberis im-
puberibus ne nuplērīt, *legem* [puto Juliani & Pappiani, ut
indicat inscriptio legis, v. Gothofr. *ad l. 64. d. 1.*] *locum non*
habere, quia magis cura liberorum, quàm viduitas injungere-
tur; hic enim cœlibatus ad tempus saltem, quō liberi pu-
bertatem adepti fuerint, idque iterum non simpliciter, sed
solummodo sub comminatione amissionis lucri adjunctus
erat, at canones simpliciter & in perpetuum cœlibatum
poenæ nomine dictitant.

§. XV.

Hæc de materia *testamentorum*. Sed quid si Uxor ma-
rito *per modum pacti* promisisset, quod ad secunda vota tran-
sire nolit? placet responſionem verbis Carpzovii, contra
quem deinde disputabimus, exprimere, qui *Jurisprud. Ec-*
cles. l. 2. Def. 172. ita de hac re loquitur: *Tanta quorundam*
est insania, ut quam potestatem habent de bonis & facultati-
bis suis licite disponendi, conjugique ac liberis imperandi, eam
post obitum etiam illicite exercere præsumant, parùm curantes,
quid pium sit & honestum, quidque voluntati divina ac summo
verum & naturæ moderatori placeat & conveniat. Ex quo-
rum sunt catalogo, qui conjugibus nuptiis secundis interdicunt,
aut blanditiis ac persuasionebus promissionem de vitandis nu-
ptiis secundis extorquere laborant. Et deinde per integr. defn.
tale pactum contra bonos mores & honestatem, nec non
contra legem divinam [quæ nullam legem cœlibatus de-
derit, *ib. n. 13.*] impingere, imo cū periculo animæ &
corporis conjunctum esse fuſe ostendit.

§. XVI.

At, inquis, maxima est differentia inter hosce casus,
quando nempe cœlibatus *in testamento vel per pactum à pri-*
vatīs, & quando ē contrario *per modum poenæ à Canonibus*
imponitur, in priori scilicet casu nullum delictum adeſt

tanquam causa impositionis, benè tamen in posteriori, & sic ab illo ad hunc validè inferri nequit. Concedo illam differentiam quam lubentissimè. Sed conveniunt tamen etiam duo illi casus in eo, quod caput rei est & ad scopum nostrum principaliter spectat. Quemadmodum enim testamentum & pactum mihi cum effectu aliquid imponere non potest, quod arbitrio meo subjectum non est: ita quoque prohibitio legis, quæ mihi tale quid aufert per modum pœnæ, quod tamen, ut omittatur, in mea potestate non deprehenditur, aperta iniquitate laborare videtur. Talis autem est prohibitio juris Canonici.

§. XVII.

Accedit, quod dicta prohibitio necessariam ut plurimum peccandi occasionem suppeditet condemnato. Quamvis enim dentur homines, qui propter temperamenti qualitatem ad aclus venereos minus inclinant, rariores tamen hi, ni fallor, erunt & plurimi ustionibus frequentioribus exagitantur. Quomodo autem extinguere poterit ejusmodi ustiones ille, cui cœlibatus per modum pœnæ injectus? an per legitimum matrimonium? sed hoc ipsi est interdictum. Sine dubio, ergo de mediis illicitis clanculum sollicitus erit, v. omnino Carpzov. *l. prox. cit. n. 15. §. 17.* ubi sententiam Consistorii supremi Dresdensis subjicit, verb. *Dierteil aber diese ihrem Manne beschehene Zusage eine Witbe zu bleiben / nicht allein unbedachtsam / weil auſſer der Ehe mit unverletztem Gewiſſen zu leben in ihrer Macht nicht ſtehet / als welches vor eine ſonderbare Gabe Gottes zu halten &c.* Non video itaque, quâ ratione illa matrimonii prohibitio ad species medicinæ moralis (ita enim salutantur pœnæ) referri possit. Scio quidem, quod nonnullorum Moralistarum est effatum, in omnibus pœnis emendationem delinquentis non intendi,

aut obtineri posse; sed ad minimum tamen, puto, poena ita comparata esse debet, ne ad nova delicta viam pandat & sic delinquentem adhuc magis in sensu morali necessario corrumpat.

§. XVIII.

Disputant aliàs, uti notum est, Theologi Protestantes quàm acerrimè contra vota monastica Pontificiis usitata & in specie contra votum *castitatis*. *Talia vota*, inquit *Fri- der. Balduinus de cas. consc. lib. 2. c. 8. cas. 7. facienda non sunt, quæ ordinem Dei convellunt, vel corpus aut animam le- dunt, vel occasionem peccandi præbent*, v. Chemnit. *in exam. Concil. Trident. tit. de Cœlibatu Sacerdot. cap. 9.* Gerhard. *in loc. de conjug. c. 10. sect. 1.* aliique plures apud Brun- nem. *jur. Eccles. l. 2. c. 7. ibiq; in addit. illustr. Strykii.* Non dubito autem, quin ea omnia majori adhuc jure prohibi- tioni canonum de non ineundis nuptiis per modum poenæ factæ opponi possint. Rectè fecisset Papa, si scortationem aliosque sœdos concubitus interdixisset ei, qui causam di- vortio præbuit, sed non rectè fecit, quando ipsum matri- monium interdixit. Apostolus pronunciat *1. Corin. 7. v. 9.* melius esse nubere, quam uri: Canones contra: melius esse urî, quàm nubere, asserunt, ut saltem poenæ ab iis exco- gitatæ satisfiat.

§. XIX.

Demonstravimus hætenus, ut speramus, ex genuinis fundamentis, quod prohibitio matrimonii per modum poenæ facta iniquitate laboret. De rationibus ergo, quæ pro defensione illius prætensæ poenæ adduci possint, jam sollicitos esse nos oportebit, & quidem illas potissimum exa- minabimus, quæ à nonnullis Scriptoribus Protestantib; hæc parte adducuntur, quod enim Pontificios attinet, mirandum adeò non est, eos illiusmodi cœlibatum à delinquentib; excogisse,

gisse, quia illi in reliquis etiam satisfactionibus, imò in ipso cultu divino animum sæpè non respiciunt, sed in opere operato externo nudè & unicè acquiescunt.

§. XX.

Mevius, Jctus celebratissimus, quamvis pœnam cœlibatus admodum odiosis exornaverit encomiis, prout supra §. IX. ejus verba retulimus, nihilominus *d. P. 6. Dec. 359. num. 1.* hisce formalibus utitur: *In judiciis Ecclesiasticis moris esse, cum dissolvuntur sponsalia, interdici in posterum nuptias.* Addit in notis: *sequi Ecclesias Evangelica Religioni addictas in eo sententiam Lutheri, qui ad coercendam repudiorum temeritatem hoc interdictum (nuptiarum scilicet) pium, utile, & necessarium statuit, uti ex ejus scriptis refert Cypræus de sponsal. c. 12. §. 6. num. 3.* Ad Cypræum quoque provocat Carpzov. *Jurispr. Eccles. l. 2. def. 136. num. 6.* ipse autem Cypræus hæc verba Lutheri (absque allegatione tamen loci Scriptorum Lutheri) refert: *Welche nach öffentlichem Verlöbniß zu seinem Gemahl nicht will/ soll ohne Ehe bleiben. Item: Wenn zwey miteinander verlobt seyn/ und es bey derselben Verlöbniß bleibt/ daß keins das ander sein lebenslang kan verlassen.* Priora tamen verba huc propriè saltem pertinere videntur.

§. XXI.

Rationem hic nondum videre possumus, ergò etiam responsione opus non est, præsertim cum Mevius *d. l. n. 4.* & iterum fateatur, eoque ipso non obscurè confirmet, quæ hæctenus adduximus, *jugum, quod quis ferre aptus non est, non esse imponendum, nec occasionem gravioribus malis dandam.* Item: *In hac specie præprimis, ubi conscientia imminet laquei, abstinendum ab onere insupportabili infligendo.* Unde adhuc remanet quæstio præjudicialis: an hoc pium, utile & necessarium sit, ut præcise cœlibatus per modum pœnæ

poenæ injungatur illi, qui repudio vel divortio causam injuste dedit.

§. XXII.

Prodeant ergo ipsæ rationes, quibus dispositionem juris Canonici defendere nituntur DD. Cypræus *loc. ant. cit.* hanc profert: *Altera*, inquit, *pœna hæc erit, ut aliam sibi conditionem querere prohibeatur, qui sponsam vel conjugem volens deseruit: ideoque illa viva alteri conjungi nequeat. Nam cum semel fide data sponsus factus sit, alterius sponsus esse non potest. Ideoq; & vitam cœlibem agere cogetur, quod & ipsum satis supplicii est.* Medius terminus, ut vides, Cypræi hic est: *Qui semel fide data sponsus factus est, is alterius sponsus esse non potest. Quid si ego subsumerem: atqui Cajus semel fide data sponsus primæ uxoris quondam factus est, ergo post mortem illius alterius fœminæ sponsus esse non potest? - Si dicis: hoc post mortem fieri quidem posse, sed non vivente prima uxore; tunc ego rehero, idem etiam post divortium fieri posse, quod vinculum conjugale non minus ac ipsa mors dirimit. Ceterum concedimus Cypræo, satis esse supplicii, si quis vitam cœlibem agere cogitur; sed utrum hoc supplicium regulis justii conveniat, de eo adhuc sub judice lis est.*

§. XXIII.

Huic unico eique tam lubrico fundamento thesin suam superstruxit Cypræus. Veniat nunc illi in auxilium Carpovius, tribus argumentis instructus. Ita autem incipit in *Jur. Eccles. lib. 3. def. 71. num. 6.* *Non immerito indignus judicatur novo conjugio, qui divinam ordinationem semel tam nefarie violavit, malitiose conjugem priorem deserendo. Aliter enim si diceremus verendum, ne criminibus per indulgentiam novarum nuptiarum incentivum prabeatur. Et absurdum foret, partem nocentem commodum sentire ex suo delicto.*

§. XXIV.

§. XXIV.

Proœmium hujus argumenti ejusdem tenoris esse videtur, ac si quis diceret: *Enim, qui semel contractum aliquem violavit, in posterum planè non esse admittendum, ut alium contractum celebret, quia non immeritò indignus judicatur novo contractu, qui divinum jussu de servandis contractibus semel tam nefarie violavit, malitiose à priori contractu recedendo.* Quis verò non rideret hanc lepidam illationem? Nemo etiam sanæ mentis homo vereri potest, ne criminibus per indulgentiam novarum nuptiarum incentivum præbeatur; sed hoc potius & juste quidem verendum est, ne criminibus per prohibitionem aliarum nuptiarum incentivum præbeatur, prout antea deduximus. Puniatur delinquens pœna pecuniaria, carcere, aut alio modo, & nullum incentivum criminum juste verendum erit. Quod si verò delinquens spreta hac pœna præter culpam Judicis peccare pergat, iterum etiam pœna condigna adficiatur & Judex officio suo satisfecit. Sed, instat Carpzovius, ita pars nocens commodum sentit ex suo delicto, si aliæ nuptiæ ei conceduntur, quod tamen absurditatem involvit; verum enim verò cum desertor malitiosus, vel adulter, pœnam facto suo congruentem sustinere necessum habuerit, non video, qua ratione facultas transeundi ad alias nuptias pro commodo ex delicto profluente venditari possit. Vix enim aliquid pro commodo *ex facto profluente* habetur, quoties ipsum factum rigidis pœnis à Judice coercetur.

§. XXV.

Pergimus cum Carpzovio ad secundam rationem, quam *d. l. num. 7.* his verbis concepit: *ac quo jure in thorum conjugalem collocabitur, qui ob violationem conjugii exulare deberet, quo remisso, ulterior ei gratia band facienda, ne duplex venia concedatur duobus concurrent singularia circa unum*

C

subje-

subjectum, contra sanctionem juris, l. 1. C. de d. tis promiss. l. 19. ff. ex quib. caus. major. l. 8. § 3. ff. de legat. prael. Camill. Borell. Conf. 64. n. 12. Frid. Pruckmann Vol. 1. Conf. 10. num. 60. Didac. Covarruv. l. 3. var. resol. c. 19. n. 1. Vincent. Caroc. de locat. tit. de SS. Eccles. n. 3. Hic primò notandum, rationem adlatam non esse universalem, cum in omnibus provinciis & locis Germaniæ relegatio adulteris dictari non soleat, v. g. juxta jus Lubecense, quo in casu duplicati etiam adulterii prima vice pœna saltem pecuniaria, secunda autem impositio cippi dictatur, v. Mey. *ad jus Lubec. lib. 4. tit. 6. art. 2. § 3.* Deinde erroneè supponitur, ac si adoltero vel desertori eo ipso, dum aliæ nuptiæ permittuntur, *gratia fiat*, quia nos supra probavimus, Legislatorem potestatem nubendi eidem auferre non posse, unde quod necessario juxta æquitatis rationem concedi *debet*, hoc pro gratia reputari nequit. Ex quo simul apparet, quod concessio aliarum nuptiarum non sit aliquid *singulare*, & quod proinde, quamvis in locis, ubi pœna relegationis alias obtinet, ea remittatur, simulque parti nocenti facultas alias nuptias celebrandi concedatur, duo tamen singularia circa unum subjectum non concurrant.

§. XXVI.

Pergit ulterius *num. 9. Cumq. facto divortio ex causa adulterii novas inire nuptias prohibicum sit parti nocenti*, (in quem finem textus juris canonici à nobis jam supra §. V. & VI. recensitos allegat,) *cur non idem obtineret in divortio ex causa malitiosa desertionis, quippe quæ adulterio equiparatur*, Henning. Arnisæus *de jur. connub. c. 6. sect. 7.* Schneidewin *ad tit. 3. de nupt. rubr. de Divortio.* Verum cum nos antea ostenderimus, pœnam cœlibatus generaliter & sic eo etiam casu, quando divortium ex causa adulterii factum, iniquitate laborare; hinc quemadmodum antecedens

dens in adlato argumento vacillat, ita quoq; consequens, quod ex illo deducitur, vacillet necessum est.

§. XXVII.

Hæc sunt levia illa dubia, quæ contra thesin à nobis defensam communiter adduci consueverunt, quæ si majoris ponderis fuissent, longiorem etiam refutationem postulassent. Audiamus adhuc duo alia, quæ à Canonistis vulgo adduci consueverunt, cum quidem in finem, ut exinde evincant, quod & pars innocens æque ac nocens ab ulterioribus nuptiis abstinere debeat, v. Bellarminus *de matrim. cap. 14*. Primum desumunt ex *1. Corinth. 7. v. 7*, ubi dicit Apostolus, *quod Uxor, si se separaverit, aut viro reconciliari, aut celebs manere debeat*; Sed respondetur, totum contextum ostendere, quod Apostolus non de separatione autoritate judicis ex causa jure divino approbata facta, sed de ea, quam uxor ex privato arbitrio suscepit, loquatur; at verò per ejusmodi privatam discessionem non tollitur vinculum conjugale, ergò sine dubio etiam uxor, quæ discescit, ad aliud matrimonium provolare non potest, v. Gerhard. *in loc. de Conjug. n. 587*. Beza *in annot. ad d. c. 7. v. 7. Ep. 1. ad Corinth.* Carpzov. *Prax. Crim. qu. 63. num. 32. seqq.* Schneidewin *ad tit. 7. de nupt. rubr. de divortio n. 44*. Nos verò in præsentem cum casum semper ante oculos habemus, quando divortium legitimo modo petitur & obtinetur, & sic vinculum conjugale intuitu utriusq; partis, nocentis & innocentis, penitus dissolvitur.

§. XXIX.

Secundum argumentum exinde petunt, quoniam Christus, *Matth. 19. v. 9. cum machari dicit, qui uxorem dimissam duxerit*. Sed incivile est, nisi tota Lege perspecta aliqua ejus particula proposita judicare & respondere velle. Legatur integer *v. 9*, qui ita sonat: *Dico autem vobis, quicunque dimi-*

dimiserit uxorem suam, nisi ob fornicationem, & aliam duxerit, mœchatur: & qui dimissam duxerit, mœchatur. Integro itaq; versiculo perlecto non opus est, ut fusè respondeamus, quilibet enim primo statim intuitu advertit, quod restrictio: *nisi ob fornicationem*, quæ in verbis immediate antecedentibus habebatur, hic quoq; repetenda sit. Et ergo sensus Christi hic est: Quicumq; uxorem juxta morem Judæorum pristinum, (de quo tunc disputabat Salvator) ex quacumq; causa, excepta fornicatione, dimittit & aliam ducit, ille mœchatur, quia dimissio non est licita, & qui dimissam ducit, ille mœchatur, quia talis uxor dimissa vinculo matrimoniali nondum est soluta. E contrario autem: Si quis uxorem propter causam fornicationis dimittit & alteram ducit, ille non mœchatur, & qui talem mulierem dimissam ducit, ille etiam non mœchatur, quia per fornicationem uxoris vinculum conjugale dissolvitur & sic dimissio licita est.

§. XXIX.

Existimamus jam, solidam rationem non superesse, ex qua dispositio juris Canonici sustineri queat. Transeamus ergo ad usum judiciorum nostrorum Ecclesiasticorum, & videamus, utrum ille cum jure Canonico conveniat. Affirmant communiter, vide quæ supra attulimus ex Mevio §. IX. adde Cypræum *de jūr. Connub. c. 12. num. 3.* aliosque; Nobis autem contraria sententia & quod in effectu judicia nostra à dicto jure recedant, meliori jure defendi posse videtur.

§. XXX.

Graviter quidem obstare ab initio videtur, quod pœna cœlibatus communiter adhuc sententiis Consistorialibus inferi soleat. Formulam enim pronunciandi talem refert Cypræus *d. l. n. 7.* Hat Claus N. sich mit gedachter Jungfrau Elisabeth mit beyderseits Freundschaft Wissen öffentlich verlobt!

verlobt/ ob Er dann wohl vier Tage hernach der Jungfrauen solch Verlobniß absagen lassen/ mit Vorwendung/ daß Er ihr also gram worden/ daß Er sie keines weges zu ehelichen gedächte/ und wie ihn die weltliche Obrigkeit derhalben vorbescheiden/ ist Er auf solcher Meynung nun fast zwey Jahr verharret/ und der Jungfrauen keine Schuld oder etwas unehrliches anmassen können; So mag doch derhalben solch ehefentlich Ehe-Gelübd nicht hinterzogen werden/ sondern es wird der Geselle Claus N. durch gebührlche Mittel des Rechts/ als Gefängniß und dergleichen/ solch Ehe-Gelübd mit Christlichem Kirchgang und ehelichen Beylager zu vollziehen billig compelliret und angewiesen; (utrum bene, an male, de eo in presenti non disputamus,) da Er aber über solchen angewendeten Fleiß dazu nicht zu bringen/ oder Er sich derowegen flüchtig machen würde/ so würde Er auff vorhergehenden billigen Proceß/ als muthwilliger Desertor und Verlasser seiner Vertrauten billig erkandt und derwegen von der weltlichen Obrigkeit in gebührlche Straffe/ Verweisung oder dergleichen/ genommen/ und ihm bey leben gemeldeter Jungfrauen Elisabeth sich mit einer andern zu verehelichen nicht gestattet: Und auf solchen Fall/ da sie/ die Jungfrau ohne Gefahr ihres Gewissens ausser dem Ehestande sich nicht enthalten könnte/ dazu sie doch mit Fleiß zu vermahnen/ so wird ihr/ sich mit einem andern in Ehestand zu begeben/ billig nachgelassen/ B. R. W.

§. XXXI.

Sed salva nihilominus res est. Magna enim adhuc inter dispositionem juris Canonici & praxin judiciorum Evangelicorum deprehenditur differentia. Textus siquidem juris Canonici, quos supra §. V. & VI. recensuimus, parti nocenti poenam cœlibatus indistincte imponunt, nec unquam ei licentiam transeundi ad alias nuptias concedunt;

sed in judiciis Ecclesiasticis dicta cœlibatus pœna cum hac limitatione saltem imponitur, *nisi pars nocens donum continentie non habeat*, v. Schilter. *insit. jur. Canon. l. 2. Tit. 12. §. 8.*

§. XXXII.

Si hic in parenthesi nostram sententiam subungere licet, illa limitatio nullius planè momenti esse videtur, sed idem est, ac si parti nocenti facultas novas incundi nuptias simpliciter permitteretur. Quilibet enim, cui in cœlibatu permanere non placet, hac excusatione uti poterit, se dono continentie destitutum esse. Nec est, ut is, qui tale quid prætendit, ad onus probandi adstringatur, vel juramentum hoc nomine ipsi imponatur; cum enim Theologi pariter & alii in ea sint opinione, & rectè quidem, continentiam peculiare donum divinum esse, & viribus naturalibus illud conciliari non posse, ejusmodi peculiaria autem ad minimum in foro juridico non præsumantur; hinc sine dubio præsumtio hæc pro eo, qui ad alias nuptias adspirat, militans, ab onere probandi ipsum penitus liberabit.

§. XXXIII.

Sed revertamur ad praxin judiciorum nostrorum Ecclesiasticorum, prout stylo communi salutantur. Hac scilicet methodo uti consueverunt, ut parti nocenti ad novas nuptias adspiranti illæ quidem concedi soleant, ita tamen ut ex Provincia exeat. Fundamentum processus ex consensu Lutheri iterum petere solent, qui in *lib. de vit. conjug. tom 2. Jen. Germ. fol. 106.* his verbis utitur: Fragstu / wo das andere (pars scilicet nocens) bleiben soll / wenn es vielleicht auch nicht kan Reuschheit halten? Antwort: Darumb hat Gott im Geseze (sed in Lege forensi Judæorum saltem) gebothen / die Ehebrecher zu steinigen / daß sie dieser Frage nicht dürfften / also soll auch noch das weltliche Schwerdt und Obrigkeit die Ehebrecher tödten: Wo aber die Obrigkeit

feilt

felt ſäumig und nachläſſig iſt/ und nicht tödtet/ mag ſich der Ehebrecher in ein ander fern Land machen/ und freyen/wo Er ſich nicht halten kan/ aber es wäre beſſer/ todt mit ihnen/ umb böſes Exempels willen/ &c.

§. XXXIV.

Modum procedendi paulò diſtinctius deſcribit Carpz. *Juriſpr. Eccleſ. l. 2. Def. 191. n. 8. ſeqq.* Tentanda primò, inquit, reconciliatio eſt, cujus ſi ſpes aliqua ſupereſt, nocenti ad alias conſolare nuptias neutiquam concedatur. (Rectè, ſed tunc divortium nondum eſt factum, & ſic ille calus huc non pertinet.) Secundo, pergit, graviter pars nocens monenda, ut delictum ſuum agnoſcat, laboribus & jejuniis concupiſcentias carnales reprimat, ſeque indignam judicet, cui novi matrimonii poteſtas detur. (Hoc quoq; monitum ferè ſine effectu erit, quamvis enim ſe indignum novo matrimonio agnoſceret pars nocens, propterea tamen continentiam non ſtatim conſequetur.) Cavendum porrò, addit, ne propria autoritate perſona nocens ad novum tranſeat conjugium, ſed Conſiſtorii ſeu Magiſtratus Eccleſiaſtici conſenſum prius expetat. (Hoc ad ſolennia ſolum pertinet, ſi enim quis conſtanter aſſerat, ſe donum continentia non habere, Judex Eccleſiaſticus conſenſum denegare non poterit. Dicis; eum inquirere debere, an donum continentia adſit, annon; Reſpondeo, hæc ad interna pertinere, & per rerum naturam inquisitionem inſtitui non poſſe, ſed aſſertioni petentis credendum eſſe.) Ac ſi, concludit, omninò conſcientia ejus in calibatu periclitetur, novum conjugium hac demum conditione concedatur, ut pars nocens ſedem fortunarum ac domicilii mutet, atq; eò ſe conferat, ubi ejus turpitude non innotuit.

§. XXXV.

Imò interdum quoq; relegatio remittitur, modo pars nocens mulctam luas pecuniariam & nuptia abſq; pompa celebrantur

brentur, Id. cit. loc. in f. Joh. Gerhard in loc. de Conjug. §. 622.
 Huc spectat Rescriptum Electorale Saxonicum apud Carpz.
d. l. n. 12. So können Wir 2 geschehen lassen/ daß sie ges-
 gen Erlegung 50. Rthlr. in unsern Kirchen-Kasten alhie
 mit Christoph S. sich anderweit verehlichen/ und die Ehe
 ohn alles Gepränge/ auch an keinem andern Orth/ als auf
 ihrem Guthe zu S. vollenziehen möge. Und begehren hie-
 mit gnädigst/ Ihr wollet die Supplicantin darauff bescheiden
 auch auff gedachten Fall berühre 50. Rthlr. von ihr einbrin-
 gen und anhero in Unser Ober-Consistorium übersenden.

§. XXXVI.

Fit hoc eò magis, quando certæ circumstantiæ concurrunt, quæ
 præcedens delictum quodammodo excusant, de qua materia adhuc
 adscribere lubet verba ejusdem Carpzovii *lib. 3. def. 71. num. 12. seqq.*
Facultatem tamen, inquit, quandoque dari videmus parti etiam no-
centi, ut novum contrahat conjugium, ex speciali nimirum Magistra-
tus Ecclesiastici dispensatione, quæ si iustâ & probabili ratione sit facta,
omniñò licita habetur: Fieri enim potest, ut quis in minorennitate
deliquerit, ad frugem meliorem pervenerit & potnuerit, aut in cœ-
libatu salva & illæsa conscientia vivere nequeat. Nunquam non cir-
cumstantiis hisce probè perpensis licitè dispensari quivis facili concesserit,
vel saltem ex perpetua veritatis regula Apostolica: Si se non continent,
nubant, & satius est, honesto conjugio quem devinciri, quàm scortati-
onibus & adulteriis libere indulgere, Gerhard. d. §. 622.

§. XXXVII.

Hæc ultima verba adducta si quis probè consideret, non so-
 lum deprehendet, ea vix coherere cum iis, quæ ab eorum Autore
 alias ad defendendam juris Canonici dispositionem adlata & à nobis
 supra §. XXIV. & XXV. recensita ac refutata fuerunt; sed cognos-
 cet simul, quod pœna cœlibatus ex jure Canonico originem suam
 ducens revera in judiciis Protestantium non obtineat, quia limita-
 tio: *nisi donum continentia non habeat pars nocens*, totam regulam
 prohibitionis penitus evertit. Et hoc est, quod nos demonstrare
 velle supra §. XXIX. promittebamus.

F I N I S.

